



嬌無十全，稞無加圖

常在有人問我：「『淡定』換做咱的話愛按怎講？」我頭殼內浮現趣味的成語故事〈塞翁失馬〉，喺裡喃(nauh)咧喃咧：「嬌，嬌無十全(tsàp-tsâng)；稞，稞無加圖(ka-nâng)。」這句臺灣俗語有雙頭的啟示。第一叫人毋通「完美主義」，事事項項要求一百分；嬌無十全，有一好無兩好，無人會當總賢贏，做人謙虛知足較有底。第二勸人毋好「失敗主義」，見講擺講家己無路用；稞無加圖，有一稞無兩稞，矢志無補所，觀點若是撫好勢，「哭婆」也會變「笑婆」。

嬌，嬌無十全。做人莫學觸來觸去的相拍雞仔，比趁錢，比人面，比命底，連已經做仙的公媽嘛搬搬出來鬥鬧熱。2016年佇面冊頂懸放送一塊予人真感心的短片，四个『oo-bá-sáng』佇大埕做伙那食晝那破豆。第一个講序細足無閒，查埔的做律師，查某的做靈芝的大賣；第二个講個罔踹英國，是衝呱呱的心臟科醫生；第三个講後生人佇美國，做會計師趁錢若屨水。這三个貴婦輪人毋輪陣，展風神照輪鬪，鼻空翹甲強欲拄天，炸(tsuànn)甲喺角全泡，袂輪厝內底的錢濟甲會鎮路。可惜親人煞一人行一路，聳鬚的目色內底揣無一絲仔滿足。第四个阿婆無絞入去唱聲比輪贏，干焦砢砢頭頭呵佬別人勢；尾仔後生、新婦恰兩個乖孫來招伊去迢迢，古意的阿媽喺笑目笑攞手，歡歡喜喜坐入去轎車內底，留彼三个「好命婆」踹遐大喺開開癡仙哥。

稞，稞無加圖。一枝草一點露，性命往往會揣著出路，無人有才調共咱的窗仔門關了了。大作家『J.K. Rowling』是一位遭受家暴離婚的單親媽媽，運途跋落烏暗空。為著罔仔伊毋願擲手投降，屈踹漚舊舊的拍字機頭前，激頭腦完成《哈利波特》系列的第一集——《神祕的魔法石》。頭起先連繼予四間出版社退稿，毋過羅琳無矢志，袂膽寒，無偌久就拚出性命的光彩。這套冊尾仔出到第七集，翻做七十五種語言，兩百外个國家相爭出版，銷售量超過四億本，差一層仔壓倒《聖經》恰《毛語錄》，是有史以來上蓋搶市的小說！

「嬌無十全，稞無加圖」，掠中和才會老步定。完美主義恰失敗主義擺會害人重頭輕，蹠(phiân)甲吭吭顛。圓人會扁，扁人會圓，好字運毋免奢颺，歹字運無需要著生驚，心肝頭平波波，隨緣的人無煩惱！

作者：黃文達

☆詞彙學習☆

- | | |
|--------------------------------|--|
| 【補所】póo-sóo：助益、回報，有所裨補。 | 指擔子兩頭的重量不平均。 |
| 【聳鬚】tshàng-tshiu：引申為囂張、逞威風。 | 【吭吭顛】khōng-khōng-tian：腳步不穩，跌跌撞撞。 |
| 【砢砢】khòk-khòk：一直。 | 【奢颺】tshia-iānn：風光、大排場。因為擺排場，過於奢華而引人注目，有時有負面意味。 |
| 【癡仙哥】giàn-sian-ko：垂涎、奢想。 | 【平波波】pènn-pho-pho：此指淡定、安定。 |
| 【掠中和】liàh-tiong-hô：折衷。 | |
| 【老步定】lāu-pōo-tiānn：老成穩重，從容、穩健。 | |
| 【重頭輕】tāng-thâu-khin：一邊重，一邊輕， | |